

殿志 1097

1030
1074
1022

廣東輿地圖說

廣東
輿圖

光緒十五年
重脩會典館
原本宣統元
年十月廣東
參謀處重印

新修會典廣東輿地圖說序

光緒己丑臣奉

命督粵甫下車適會典館頒到

諭旨測繪輿圖維時百務待理部分未暇越明年三月開局羊城又明年十二月蕪事凡成廣東省府直隸州總圖一十五廳州縣分圖九十四都一百有九圖圖各繫說又附新法一總圖欽防一大圖爰序其首日粵昔軒轅造夏肇啓炎土放助紹統是宅南交二出本帝子之鄉五嶺實荊州之域商周繼軌疆理來宣戰國構爭百越式廓秦亡金鏡一尉曾以自雄漢下樓船九郡因而內屬自茲以降悉隸版圖吳晉則徙治龍編隋唐則沿名清海雖竊據於劉漢旋歸王於廣南由元迄明均置行省其間形之續事登之紀載者隋則有樊子蓋宋則有王中行四十七鎮之本元和志已失其真五十七卷之書通志畧但存其目外此如王儀父之所引姚澤山之所編佚者固不足徵存者又非典要

廣東圖說

卷首

粵東編譯公司承印

聖清建極幅員孔長察理觀文顯庸創制命隸首以希禎使形方而修職

兩朝作述四方維則若阮文達之所志畧瑞文莊之所纂呈經緯粲陳險夷畢著矣然而歲月遞遷形勢漸異呂梁懸瀑倏變平原西河列障遂成重鎮瓠子之河迭塞褒斜之谷數通矧夫駝有昆夷拔斯柞械鳶飛跼浪過伏波銅柱之邦蠶叢別榛開剛峯十字之路使非區分指畫究極源流其何以定中外之閑奠苞桑之固乎今者疇人廣徵雅材宏集析方計里望極正繩準劉徽之重差仿裴秀之六體章亥所步極乎南北東西周髀之矩妙乎平偃覆臥廣輪辨數上協星躔華離寫狀下肖方野擬季彥之制地域無所隱形如敦詩之繪華夷宛然在目既丹青其各奏亦校驗之罔差又復阨塞具知山川能說揭孟堅之旨趣芟善長之繁蕪伯翳類別紀之爲山海之經朱贛條記演之卽地里之志宛溪有言書以立圖之根柢圖以顯書之脈絡豈其然矣臣家世籌邊迭膺疆寄上河北之險要夙景趙公畫蜀道之山川飢聞衛國撫斯圖也眺川原之盤鬱則思

陶士行所以宣勞覩鄉聚之殷蕃則思宋廣平所以遺愛見蕃舶徭溪之雜則思孔君嚴陳唐夫所以綏懷覽橫水藤峽之阻則思韓襄毅王文成所以寵定彼管子輶轅之術但解行軍淮南墜形之篇侈談異蹟其於周禮體經之旨大易設守之謨猶未窺其全而揭其精已光緒十八年二月頭品頂戴兵部尙書兼都察院右都御史兩廣總督臣李瀚章謹序

後序

官禮一書周公所以建太平也其間於土地之圖三致意焉保章辨星土土方測日景量人書其涂數總之職方而上諸大司徒形方以正封域司險以達道路司書以知百物遂人以造縣鄙形體之法而地事觀事又有土訓掌道圖以詔之誦訓掌道志以詔之其詳審如是故王者不下堂而知四方也我朝康熙乾隆間迭命疇人周歷測繪藏之

內府凡理民用兵胥得所據致治之本同符成周圖之爲用不綦重哉粵東去京師五千餘里一省而防海備邊皆與焉形束壤制尤不可無圖以識之自廣州之南東沿東莞新安帶香港越惠潮而南介南澳以迄於閩西循香山新會新寧掠陽江掖高抱雷而南環瓊州又西北挾廉欽以迄於越南皆水師所有事也港嶼錯雜輪輿如織宜絕其窺伺而極其綢繆自欽州之南朔北崙河而上西盡嘉隆江之源踰阮懷南雲青龍歌馬諸嶺至江口循板輿水而西抵峒中迤西北窮那含水西源以達廣西上思州皆南與越南分界也非我族類實逼處此宜時其鎮撫而修其捍禦內地則自東而北而西若汀漳江贛衡湘梧鬱皆粵肩背之雄也蟠幽宅阻土壤相錯宜聯其護衛而壯其聲援凡此大端按圖可索惟是幅員遼闊奏限孔亟故詳於邊海而腹地少略亦以時事多艱所重尤在乎此也自泰西互市游歷紛來所至輒寫其山川阻隘徑路險夷以去而於海道津要尤再三測記不憚煩勞其處心積慮若此倘非圖之精而說之審何以握控馭之宜乎今重修會典特

諭行省測繪輿圖各疆臣實事求是行見書成奏上

聖天子覽寰宇之體勢法

祖制以復成周之隆將於是乎在東粵一隅庶幾土壤細流之助云爾光緒十八年二

月兵部侍郎兼都察院右副都御史廣東巡撫臣劉瑞芬謹序

錄例

輿圖測繪法日益密今之所修皆遵用會典館原頒條式北上南下計里畫方省圖依舊法加具經緯綫每方百里府直隸州廳每方五十里州縣每方十里山川城鎮關隘村堡墟場臺汛案位列繪圖後附說以次遞詳其間損益變通皆有依據

應圖每方五十里其小者不及一方今皆附入府圖而別爲每方十里圖

廣東舊圖全省則以同治間所修爲最

海道則以近年所纂爲詳此外各縣則南海番禺順德香山皆稱審核今據爲底本分途測勘惟壤地廣大期限既迫人力亦寡故先其切者要者如廣州近屬及沿海口岸西越邊境皆履行細測證以洋圖真確可憑其餘則參攷諸圖依分率繪入測量之理具見算書然繪地之法算書不載近釋繪地法原行軍測繪測地繪圖諸書均未詳明今約分爲三事曰測量曰縮臨曰摹寫測量者以量底綫測原三角形爲主其次推測各次三角形又其次補測諸三角形內山川道路之曲折遠近縮臨者勘合諸稿縮爲小幅按率比例務得原形摹寫者先明法理然後形之筆墨庶纖毫曲折印合無差凡此皆集衆所長參用中西之法

廣東圖說

卷首

四

粵東編譯公司承印

利器備用泰西爲精如測經緯則有紀限儀水銀盤經度鐘大力遠鏡行海洋歷之類測高遠則有經緯儀帶尺鐵線平水窺箭測正交儀之類繪畫則有分角器直界尺丁字尺平行尺比例尺分微尺履縮尺簧規長規分規規活節規鉛筆鋼筆曲綫板三邊直角板之類譯其要者購之近儒鄒氏伯奇所製指南分率尺分二十四向以步代量凡審方向察遠近記轉曲定準望皆適於用其法尤簡便易行

粵省地勢東西袤長南北稍狹然前襟大海其中島嶼多屬險要故水師每歲例有巡洋東自南澳之東南南澎島西迄防城外海之大洲小洲老鼠山九頭

山九頭山亦作狗頭山與越南接界素爲洋盜淵藪同治間粵督瑞麟照會越南國會勘據得下國廣安海分原無九頭山名號已派船往自藤江口按盤等語白藤江口以外皆粵界故光緒十二年勘界前督張之洞奏呈圖證其一二三綫皆包九頭山在內後止增論陸界於海

皆粵境也今之海界以瓊南爲斷其外卽爲七洲洋粵之巡師自此還矣

班孟堅言秦漢之制縣大率方百里今則大小不侔且地形延袤亦別計里析方篇幅每不能容故或截爲三四仍注其上方使分合瞭然管子幼官一明堂而分爲中東西南北本副十圖則圖之分截由來古矣晉裴秀自序域地圖言

今十六州而爲圖乃十八篇意當時亦有裁割於其間也

測緯度易測經度難故

內府地圖及李兆洛胡林翼等圖阮修廣東通志圖同治間繪呈廣東圖與近時各洋圖緯度大同而經度互異蓋儀器有精粗用法有疏密也洋圖歲歲實測

所差甚微今據爲底本詳細推勘圖上所記是爲密率

測緯度者以經度鋪較諸曜行度差四秒爲一分差四分爲一度易

致差忒不若求緯度者測句陳大星高度及日高弧之準然均有日力差蒙氣差儀器差不能一測不易故覆測之數分秒不符必屢測多次折取中數以銷其差然後可得天之真度非可以驗測地之積差

兩儀之體皆渾圖古人所謂狀如鳥卵猶殼裏黃也

劉洪乾象術引前儒傳說見宋書天文志周髀謂天象蓋等地法覆襲就其上

半言之義則一也明李之藻所以撰渾蓋通憲

中國在赤道之北故經度北弁南侈自來繪經緯者皆與緯綫

斜交殊失地圖之理新法圖外視圖圓心視圖圓邊視圖諸式緯綫亦非等距惟圖雖包圓球在切球面與割通徑兩間之法經直而緯曲緯度相距皆等經緯相交皆成正角爲率較密今用其法別繪一總圖以肖地形

欽防邊徼中外相錯今之測繪特爲詳密其界一依原勘大臣所定惟會典館

原頒格式過小不能具載別爲展大一圖凡水陸夷阻洪纖畢錄山嶺并萃眞形庶設險守要瞭然在目亦賈耽九州之外別圖隴右山南意也

左圖右書相因爲用故唐宋以來記州郡者多稱圖經或曰圖志然皆區分類聚故不厭繁瑣今所纂輯沿用會典舊例變條錄爲連文體製既殊謹嚴爲尙遠仿蘭臺之志近法息園之書正文之下參用夾注雜而不遞綱紀秩然

古今地理家言尙古遠者或搜古而略今采謠俗者多傳疑而失實飾州邦而叙人物因邱墓而徵鬼神李吉甫所譏諒哉言矣而所爲元和郡縣圖志亦卒不免洪氏亮吉論之禁詳今所采輯以圖爲斷凡景物名勝無關要旨者概從芟汰或不蹈劉知幾鄙哉之誡

杜君卿序通典州郡云凡言地里者在辨區域徵因革知要言察風土今說於疆宇之廣袤駐筭之險隘國計之利賴民俗之聚居皆摘要錄入惟因革斷自嘉慶以還蓋前此則舊典詳之亦司馬彪書但錄中興以來改異之惜也

維王建國辨方正位故首距

京距省距府州里數量地制邑得人則治故次以職守大地山河存乎兩戒故次以水次以山度地居民置郵傳命故次以鄉堡次以塘鋪周官職方末詳外服戴記王制備述內方故次四至八到而以幅員相距終焉凡此皆沿舊說之例而有所增益也其關隘廠場臺汎圍隄之類分繫山水鄉堡之下班書地里志例也省圖末言經緯度亦班志九州殿以諸星分次之例也

府廳州縣之名以見在爲定古今地志通例也其今昔不同或分併升降改隸則於各屬下詳其更制年月亦地志通例魏收志地形所謂剡改隨注也宋書進爲大字未若班志小注之善也府稱省會

皇朝通典例也縣稱附郭

大清一統志例也州稱分治道其實也猶管子之言鄉分治也稱本州亦一統志例也與領縣分詳則寶慶四明志例也

通典載州郡舊唐書志地里首列節度經略防禦觀察守捉都護諸官治領所以見控制之宜也今師其意凡文武職官有地方管轄駐防之責者備書其分爲大書小注則以正佐守協爲準提學學官不書於地方無涉乾隆府廳州縣圖志例也彼并鹽官關督不載然地利所關不可闕也廣州肇慶書城守而不書標營以其職在管兵無與地方也一地而營員同駐則書大略小以其隨營也千總以下哨官從略統於營汛也分駐詳當地之下亦班書載都尉治例也班志川流但言出入過郡不如水經注之詳今於水道經流曲折及他水出入所過城汛悉書經流分流大書小水出入小書兼用桑經酈注例也全氏祖望言見水經注舊本注中有注趙氏一清本之然太繁矣故不用也黃氏宗義今水經齊氏召南水道提綱於入注來會之水雜用夾注混而不清今於小水稱注其源稍長須夾注者稱入大川須別叙者稱來會亦齊氏提綱紀修家江例也

後四隅亦通典例也元豐九域志乾道臨安志并詳界首范子長宋郡縣志成淳臨安志兼識水陸蓋本之宋書志然太繁矣故不用也

漢志地名多從方音卽字體亦然如撲劓之劓蓋屋之屋在平之在兼陽之兼以及輻郛苾接鴛嗑陟貼等字今日相矜爲奧體當時實視爲俗書許氏說文多載兩漢地名凡斯之類皆不見錄甄別之惜抑又可知下逮唐之歐州金之興善鎮至今且不得其讀而史臣率錄之者蓋地志貴宜土俗未可繩以小學也粵地俗字最夥若大步爲麥南清去聲乙水爲沓禮坎切卽沓字一山爲冨音母也爲𪔐那俗山田言峯言畚并音巖洞言名音言田音水之曲折曰𪔐音地之寬平曰𪔐音結茅而棲曰芎音窮山之谷曰𪔐音鄉壁虛造怪誕不經較之家訓書證所譏經典序錄所斥又加厲焉然一爲更易則省方問俗茫然莫辨至如逕徑異音拗凹別解崗峒易文形有變殊無傷大雅若此之儔一概沿用漢志之苟扁漏江無編毋極隲麋麓冷分著並錄是其例也

周禮大司馬正義云若據鳥飛直路則周之九服亦止五千若隨山川屈曲則禹貢亦萬里此經生家彌縫之說然以之說地則各有所宜今於距

京距省府州及塘鋪則用人行里數四至八到幅員廣袤則用虛空鳥道亦胡渭禹貢圖後附論方志二條意也

俗有馴澆地有夷險因宜施治前事後師班孟堅所以發議於九州末也今師其意於省府直隸州後各綴以論明體勢紀盛耗而地方利病亦附見焉亭林之書郡國宛溪之紀方輿區區纂述竊同斯旨若援史通論贊之說以相議則非所敢知矣

圖說與方志雖同爲述地之書而體有不同今所纂輯又爲會典之一類其諸不錄或錄之而不詳者則以各有專門故也高密譜詩但舉綱目秘書評史獨嚴斷限刪煩撮要覽者或不責其略焉

新修會典廣東輿地圖說在事職名

頭品頂戴兵部尚書都察院右都御史兩廣總督兼署廣東巡撫臣李瀚章

兵部侍郎兼都察院右副都御史廣東巡撫臣劉瑞芬

頭品頂戴湖北布政使前署廣東布政使臣王之春

廣東布政使司布政使臣覺羅成允

二品頂戴廣東按察使司按察使世襲恩騎尉臣額勒精額

二品頂戴兩廣鹽運使司鹽運使臣英 啓

三品銜廣東督糧道臣韓文鈞

坐辦

廣東候補知府臣王秉恩

總纂

翰林院編修臣廖廷相

廣東圖說

卷首

九

粵東編譯公司承印

翰林院庶吉士臣楊士驤

分纂

賞戴花翎二品頂戴分省補用道臣楊士琦

江蘇舉人臣屠 寄

浙江舉人臣陶潛宣

浙江舉人臣史悠咸

內閣中書銜候選訓導優貢生臣李肇沅

候選訓導優貢生臣陳宗穎

四川華陽縣學生臣方鈞忠

繪圖

總理測繪太常寺博士銜臣羅照滄

幫理測繪五品銜廣東候補縣丞臣汪拱宸

浙江舉人臣徐鳳銜

江蘇候補訓導優貢生臣汪元溥

藍翎五品銜候選縣丞臣趙宏

五品銜候選縣丞臣彭思桂

候選從九品臣臧奎元

南海監生臣潘文普

湖南湘潭縣學生員臣李萼華

測繪

知府銜浙江候補直隸州知州臣顧潮

六品銜升用主簿候選巡檢臣老穎安

遊擊銜升用都司龍門協千總臣黃倫蘇

布政司經歷銜臣張元基

廣東圖說 卷首 十 粵東編譯公司承印

五品軍功臣鍾進成

六品軍功臣呂蘭

南海監生臣鄒璣

南海監生臣潘諾季

南海監生臣鄒博源

番禺監生臣陳慶燾

番禺監生臣李播榮

南海縣學生員臣鄒達泉

繙繹

番禺監生臣黎宗旂

番禺縣學生員臣潘應祺

繕圖

遂溪縣典史臣王廷杰

南海縣學生員臣王廷儀

四川資州監生臣盛嗣晟

文童臣賈天池

校勘收掌

廣東試用縣丞臣許瑩章

廣東候補從九品臣陳國勳

廣東輿地圖說目錄

卷首

前序

後序

錄例

職名

目錄

卷一

廣東全省

廣州府

南海

番禺

廣東圖說

卷首

十二

粵東編譯公司承印

順德

東莞

從化

龍門

增城

新會

香山

三水

新甯

清遠

新安

花縣

佛岡直隸廳

赤溪直隸廳

卷二

韶州府

曲江

樂昌

仁化

乳源

翁源

英德

卷三

惠州府

廣東圖說

卷首

十三

粵東編譯公司承印

歸善

博羅

長甯

永安

海豐

陸豐

龍川

連平

河源

和平

卷四

潮州府

海陽

潮陽

揭陽

饒平

惠來

大埔

澄海

普甯

豐順

南澳直隸廳

卷五

肇慶府

廣東圖說

卷首

十四

粵東編譯公司承印

高要

四會

新興

陽春

高明

恩平

廣甯

開平

鶴山

德慶州

封川

開建

陽江直隸廳

卷六

高州府

茂名

電白

信宜

化州

吳川

石城

卷七

廉州府

合浦

廣東圖說

卷首

十五

粵東編譯公司承印

靈山

卷八

雷州府

海康

遂溪

徐聞

卷九

瓊州府

瓊山

澄邁

定安

文昌